

ՀԱՅԻ ԻՆՔՆՈՒԹԵԱՆ ԴԻՏԱՐԿՈՒՄԸ ՅԱԿՈԲ ՕՇԱԿԱՆԻ ՄՆԱՑՈՐԴԱՅ ՎԷՊՈՒՄ

ՆԱՆԷ ՄՈՎՍԻՍԵԱՆ
monane@yandex.ru

Ազգային ինքնության գիտակցական ձեատրումը, ի թիա այլ գործոնների, ենթադրում է լեզուական, մշակութային, հոգեկերտոաձքային, կրօնական գործոնների առկայություն: Դարերի ընթացքում վերածեատրուող հայկական ինքնությունը վերոյիշեալ գործոնների տարբեր համեմատություններով յարատե վերաձուլումն է, ինչի միջոցով, ազգային ինքնությունների խճանկարում, հայկականը տարբերում է գոյություն ունեցող այլ ինքնություններից: Ո՞վ է հայը եւ որո՞նք են հայի ինքնության առանձնայատկությունները, համամարդկային ընդհանրությունները, բացթողումները:

Հայոց պատմության ամբողջ ընթացքում հետազօտողները ձեակերպել են վերոնշեալ հիմնահարցը, պատասխանել կամ՝ ոչ, սակայն հիմնահարցի էությունը, թաքնուած ներմաստերն ակնյայտօրէն ներկայացուած են Յակոբ Օշականի՝ *Մնացորդաց*² վէպում: Ուստի, հայկական ինքնության բարդ համակարգն իր ամբողջության մէջ դիտարկելու համար անհրաժեշտ է անդրադառնալ Օշականի նշած այն յատկություններին, որոնք բնորոշ են բուն հայկական ինքնությանը: Այսպիսով, նախ առանձնացնենք հայի ինքնությանը բնորոշ առաջին, բնազանցական յատկությունը:

Աշխարհի պատկերը ստեղծելիս իրաքանչիւր ազգ օգտագործում է որոշակի իմացաքանական մեթօդ, որով էլ իրականության նշաններին տալիս է իմաստ, ինչն ազդում է ազգի արժէհամակարգի, սովորոյթների, մշակոյթի ձեատրման վրայ: Ըստ այդմ էլ կարելի է ինքնությունների խճանկարում տարբերակել ազգերն իրենց նմանություններով եւ տարբերություններով:

Աշխարհաճանաչման եւ դրանում իր դերն ու տեղն ունենալու հարցում Օշականի մօտեցմամբ հայն առաջնորդուել է նախեստաաջ զգայութոյններով: Այս է վկայում Օշականի հետեւեալ պնդումը. «Սուր չէ մորաձումը, որ մեր ողբերգութեանց հնոցը կը զեպրեղէ մեր զգայութեան անդունդին խորը»³: Զգայութիւններով առաջնորդուող աշխարհի ճանաչողութեան արդիւնքն է այն, որ հայն աշխարհի պատկերը ստեղծել է իբրեւ արուեստագէտ, ինչն ենթադրում է երեւոյթների եւ իրերի ճանաչողութիւն իրենց բուն էութեան մէջ, աշխարհն անմիջականօրէն, առանց միջնորդի՝ զգայութիւններով ճանաչելու կամքը: Այս երեւոյթը արտայայտուել է նախեստաաջ երաժշտութեան մէջ: Գուցէ

առաջնորդելով այս տրամաբանությամբ Օշականը, որպես հայկական ինքնության արտացոլանք, կրօնից անելի շեշտում է ժողովրդի յոյգերը, աշխարհայեացքն արտայայտող հայկական երաժշտությունը՝ նշելով. «*Հեղին քաղաքակրթությունը, Նիցշեին կարծիքով, ծնունդ է կրօնական երգերու...- ապա շարունակում- Անշուշտ, թուրքերուն դեռ կը պակսի արուեստագետը, որ քանի մը կարկառուն քանդակներով սեւեռէր մէկ-երկու երեսները իրենց հոգիին, ինչպէս մերը ըրած են մեր շարականները ու նոր օրերու մեր գեղջուկ երգերը*»⁴:

Երաժշտության ստեղծումը, ըստ էության, տուեալ ժողովրդի յոյգերի ամբողջական արտացոլումն է. հայը զգացմունքային է, ումանտիկ, եւ ինչպէս նկատում է Օշականը, հայը յայտնի է եկեղեցական շարականներով, որն էլ ինչ-որ չափով արտացոլել է հայի հոգեւոր ճանաչողությամբ տրուած աշխարհի պատկերը: Ինչպէս փաստում է Նիցշեն. «*Ժողովրդական երգն աշխարհի երաժշտական պատկերն է... իսկ երաժշտությունը կամք է, քանզի այն արտայայտելու համար անհրաժեշտ է օգտագործել կիրքն իր ամբողջական շարժման մէջ՝ շշուկից մինչեւ խելայեղություն*»⁵: Ամբողջացնելով վերոնշեալը կարելի է եզրակացնել, որ հայի հոգին կենսատու է եղել արուեստի համար՝ թէ՛ աշխարհիկ եւ թէ՛ հոգեւոր երաժշտութեան բնագաւառում. «*երկինքն ու երկիրը հաշտեցնող իր երեսակայութեամբը*»⁶ ներդաշնակութեան եւ խաղաղութեան ձգտումով. «*բարութիւն, հեզութիւն, խոնարհութիւն, հաւաքատրութիւն, ասոնք մեր սպեղծած սրբաւորույ գեղեցկութիւններն են, մեր գերութեան իսկ անդունդէն: Ու կ'որանաք, այսքան դժնդակ պայմաններու մէջ, մեր մեծութիւնը այս գեղեցկութեանց ծառայելու: Մենք ենք տուած Մօսի Արեւելքին՝ մեր լրջութիւնը, մեր թախիծը, մեր անմեղ հաւաքը դէպի լոյսն ու դէպի արուեստը*»⁷: Հայն իտիալիստ է, յուզական, եւ որոշակի իմաստով կրում է այս բոլոր համամարդկային գեղեցկութիւնները, հոգեւոր իմաստով դառնալով արժեքաւոր, իսկ ընկերային իրականութեան մէջ՝ անպտուղ: Գուցէ հային յատուկ այս ումանտիզմով է պայմանատրուած նաեւ նրա մեկուսի, մենակեաց կեանքը, այլ կերպ՝ անհատապաշտութիւնը: Այս է հաստատում նաեւ Դէյվիդ Լենգի հետեւեալ եզրակացութիւնը. «*Հայերն ի ծնէ անհատներ են...*»⁸:

Դեռեա ժԹ. դարում անհատականի եւ հասարակականի փոխյարաբերութեան մէջ անհատականի գերակայութիւնը հայ հրապարակախօսների մտահոգութեան առարկան էր: Այդ դարի հրապարակախօս, փիլիսոփայ Միքայէլ Նալբանդեանը նշում է. «... ի՛նչ է ազգը, ի՛նչ է ազգութիւնը, ո՛վ կամի լսել ու հասկանալ, ո՛վ կամի վեր բարձրացնել ցեխի միջից իր մինչ իսպառ անարգուած ազգը եւ ազգութիւնը. մասնատրութեան կորստական հոգին վաղուց ահա

թագաւորել է մեր ազգի անդամների վրայ: Եւ մի՞թէ այդ հոգին չէ պատճառը, այդ դատաւարութեի մասնաւորութիւնը, որ մեր ազգը դուրս է ընկել մարդկութեան պարմագրքի փախարակներից. գո՛նէ մեք այլ պատճառ չգիտենք»⁹: Նախանդեանը յատկապէս շեշտում է այն, որ հայը մշտապէս իր մասնաւոր անձն է առաջ մղում՝ անտեսելով ընկերայինը: Լուսաւորականները միակարծիք են անմիաբանութեան հարցում: Այն ժողովուրդը, որը միասնաբար չի ընտրում իր ապագան, չի գոհում իր մասնաւոր շահը ընդհանուրին, երկար գոյատեւել չի կարող: Իզուր չեն տնտեսական ծրագրերի, փոխառու ընկերութիւնների ստեղծումը, հողի մշակման մասին գրքերը, որոնք նպատակ ունէին հային պահելու իր հայրենիքում եւ այդ հայրենիքը միասնաբար բարեկարգելու: Այլ երկրներում աշխատանք փնտռող, ուսում ստացող տարագիր հայի խնդիրն արդիական էր նաեւ տասնիններորդ դարում: Լուսաւորականները տուեալ խնդրի պատճառը ոչ միայն համարում էին տնտեսական վատ պայմանները, կրթութեան ցածր որակը, այլեւ հայի բնոյթը: Անհրաժեշտ էր փոխել հայի ինքնագիտակցութիւնը կրթութեան, դաստիարակութեան միջոցով: Հայը պէտք է հայրենիքն ընկալէր իբրեւ իրեն պատկանող մի երեսոյթ: Եթէ լուսաւորական շարժման արդիւնքում հայերի որոշակի հատուած միաբանուէր եւ մնար իր երկրում, ապա ե՛ւ տնտեսութեան ե՛ւ գիտութեան ոլորտում շատ տեղաշարժեր կարող էին արձանագրուել: Անկախ կրօնական, քաղաքական, կուսակցական պատկանելիութիւնից, լուսաւորականները միակարծիք են միաբանուելու հարցում: «Ազգին պիտէ մեծ ուժը, միաբանութիւն է, ուր միաբանութիւն կայ, ազգ կայ, ուր միաբանութիւն չի կայ, կամ ազգ չի կայ, կամ չիք ըլլալու մօտ է, ըսել է որ առջի պարտականութիւննիս, ազգասէր ըստելու համար միաբանութիւն ունենալու է. միաբանութիւն խորհրդոյ բանի եւ գործոյ»¹⁰:

Ուստի, յուզականօրէն աշխարհը ճանաչելու, արուեստագէտի ինքնութեամբ այն վերաիմաստաւորելու կարողութիւնը շրջայաբար ձեւաւորում է հայի միւս յատկութիւնը՝ անձնակերպոնութիւնը: Փորձելով զուգորդել յուզականութիւնն ու անհատակենտրոնութիւնը, ակնյայտ է դառնում այս երկուսի փոխադարձ պատճառական կապը: Աշխարհն անմիջականօրէն ընկալելով՝ հայը նախեառաջ այն տեսնում է սեփական աչքերով, այնուհետեւ միայն ներառում այլ ազգերի փորձը: Հետեւաբար **եսի**, անհատականի գաղափարը դառնում է գերակայ:

Ազգը նման է մարմնի, որի կենսականութիւնն ապահովում են բանականութիւնը եւ յուզականութիւնը: Հայի հոգեկերտառածքի առաջին աստիճանը ոգին է. յոյզերի անսահմանութիւն, բանականութեան տկարութիւն: Նկարագրելով բուն հայկական ինքնութիւնը՝ Օշականն անցում է կատարում արեւմտահայ ինքնութեանը: Անցումը վիպական է,

մասնատրեցուած՝ հազարաւոր դէպքերից մէկով: Ահա Սողոմը, *Մնացորդացի* գլխաւոր հերոսը, ծնունդ է Արեւմտեան Հայաստանում, համայնքացուել հայկական եւ թուրքական միջավայրում: Մարդկային տեսակով փայլուն գաղափարներ կրող կամ հանճար չէ, որով պէտք է գրաւի ընթերցողի ուշադրութիւնը... Սողոմը յանցագործ է, ով պատիժ է կրում բանտում: Նա հայ է եւ թուրք, որովհետեւ ապրել է նաեւ թուրքական միջավայրում: Այսպէս, Սողոմը հայ լինելուց բացի նաեւ իր ժամանակաշրջանի արտացոլանքն է, Դոստոեւսկու երկու հերոսների կերպարների ամբողջացումը՝ Ռոսկոլնիկովը եւ Իւանը՝ «ոճրագործը» եւ «սաստանան»¹¹: Թէեւ մարդկային կերպարով Սողոմը այս երկու հերոսների խտացումն է, սակայն գործողութիւնների ընթացքը չի յուշում իմացաբանական առումով ընդվզող եւ հակադրուող ոգու մասին: Նա հայի եւ թուրքի ինքնութիւնների խառնուրդ է, այլ կերպ՝ աշխարհաքաղաքացի, այստեղից ու այնտեղից վերցուած ինքնութեամբ, ով աշխարհը ճանաչել է Արեւմտեան Հայաստանում՝ թուրքական եւ հայկական միջավայրում: Հայկական միջավայր, որը ստուերում է թուրքական ինքնութեամբ. հայերէնի կողքին թուրքերէն, հայկական երգերի կողքին՝ թուրքական երգեր, հայկական հեքիաթների կողքին թուրքական հեքիաթներ:

Առաջին հայեացքից պարզ թուացող թուարկումը ձեւաւորում է լուսանցքային ինքնութիւն, այլ կերպ շեղուելով բառի բուն իմաստից, կարելի է ասել ինքնութիւն լուսանցքի երկու կողմում: Սողոմը, որպէս արեւմտահայ, իր ծիներով հայկական սահմանում է, Արեւմտեան Հայաստանում, իսկ առօրեայով՝ թուրքական: Միտքը-բանականութիւնը՝ հոգին, ե՛ւ հայկական է, ե՛ւ թուրքական: Եւ բնական է, որ նժարին դրուող ազգային արժէքները չեն կարող լինել աւելի ուժգին, քան կեանքն է, յատկապէս երբ արեւմտահայն ընտելացել է տեսնել Ալլահին երկրպագող թուրքին, գիտի թուրքերէն երգեր, բանաստեղծութիւններ: Նա ինչ-որ իմաստով օտար չէ թուրքական առօրեային: Քանի որ արեւմտահայը կենցաղով թուրքական միջավայրում է՝ անպայմանօրէն կրելու է նաեւ դրա ազդեցութիւնը հոգեկերտուածքի, ինքնութեան մէջ նոր յատկութիւններ աւելացնելու առումով եւ եթէ չկայ ազգային իբրեւ հակակշիռ, ապա ժամանակի ընթացքում բուն ինքնութեանը բնորոշ յատկութիւնները փոխակերպման են ենթարկուելու: Օշականը ստեղծում է այս խաբկանքը նախ մեր բանականութիւնը ազատելու համար հային յատուկ առասպելական չափազանցութիւնից եւ շեշտելու, որ Արեւմտեան Հայաստանում ապրող հայերը հասարակ մահկանացուներ են, որոշ իմաստով՝ թուրքական միջավայրին ծանօթ եւ դրան յարմարուած, բայց նրանք ազգի դաւաճաններ չեն: Ճիշտ է, Սողոմը եւ հազարաւոր հայեր, կրելով իրենց ինքնութեան մնացորդները, անցնում են տաճկացման

ճանապարհը, բայց նրանք չեն կարող հայ չլինել: Օշականը Սողոմի տաճկացման ընթացքը ներկայացնում է ազգային ինքնության խորհրդանշներից նրա հրաժարմամբ: Սողոմը նախ ուրանում է հայոց եկեղեցին, ըստ էության մերժելով ինքնության մեջ գլխավոր խորհրդանշները՝ կրօնը, մերժում է իր համայնքը, ինչը ենթադրում է ինքնության մի շարք գործոնների ամբողջություն՝ լեզու, հոգեկերտածք, մշակոյթ: Սակայն եւ ոչ մի հարկադրմամբ նա չի կարողանում ուրանալ մօրը՝ իր սկիզբը: Օշականն ինքնության մեջ խորհրդանշների բացառմամբ յանգում է գլխավորին սկզբին, որը մերժել, ջնջել ո՛չ մի կերպ չի կարելի: Կարելի է խօսել այլ լեզուով, դառնալ այլ մշակոյթի կրող, դաւանել այլ կրօն, բայց ծինաբանական յիշողությունն ունի իր պարտադրանքը եւ այն օրերից մի օր խօսելու է հայերէն, որովհետեւ այլ բան է տիրապետել մէկ այլ ինքնութեանը, *ունենալ* այդ ինքնութիւնը եւ այլ բան է *լինել* այդ ինքնութեան կրողը, կրել՝ դիտել այն որպէս սեփական անձի անբակտելի մաս: Այլ բան է լինելը եւ այլ՝ ունենալը¹²: Այդ է պատճառը նաեւ, որ Սողոմների որդիներն առանց անգամ մէկ հայերէն տառ իմանալու, դարեր յետոյ փնտրում են այն, ինչն իրենց պէտք է ամբողջացնի՝ սկիզբը, սաղմնաւորումը՝ հայկական ինքնութիւնը: Սողոմը տաճկացաւ, բայց գիտակցութեան մեջ ազգայինը բացառման չենթարկուեց, ինչի ապացոյցն է դերսիմահայութիւնը՝ մի փոքրիկ Հայաստան Թուրքիայում:

Հրանտ Դինքը, ով երկու ինքնութիւն կրող հայի փայլուն օրինակ է, նշում է. «*Ես երկու ինքնութեան եւ երկու գիտակցութեան կրող եմ: Առաջինը՝ թուրքաբնակ եմ, Թուրքիայի Հանրապետութեան քաղաքացի... երկրորդը՝ հայ եմ*»¹³: Նոյնիսկ այս պնդումը փաստում է ինչպիսին է բուն հայկական ինքնութիւնից բացի այլ ինքնութեամբ ապրող հայը: Թուրքական եւ առհասարակ ոչ-հայկական ինքնութիւնը ներկայացնելիս սովորաբար շեշտադրում է քնակավայրը, որոշակի օրէնքներ ներկայացնող եւ կրող լինելը, իսկ ահա հայկական ինքնութիւնը շեշտելիս նշում է՝ հայ եմ... Դինքն այս տողերը գրել է *Մնացորդաց* վէպից մօտաւորապէս յիսուն տարի յետոյ՝ դառնալով Օշականի պնդման ճշմարտացիութիւնը փաստող կենդանի օրինակ:

Ինքնութիւնների խճանկարում հայի ինքնութիւնն այլ ազգերից տարբերակելու համար համեմատականներ անցկացնենք նաեւ *Մնացորդացում* ներկայացուող թուրքի ինքնութեան հետ: Հայն իր ցեղային յատկութիւններով, կշռոյթով զտարին է. հայի ծինաբանական անկրկնելի «տարազ» է, որն ունի սկզբնաւորման պատմութիւն: Կոստան Ջարեանի քննադրմամբ. «Յեղը ո՞րք է»¹⁴: Թուրքը զուրկ է ցեղային տարազից, բացակայ է ո՞րքով՝ կշռոյթով, սկզբնաւորման պատմութեամբ, չունի ցեղային վեհացումը, ծինաբանական առումով՝

տկար է, գրեթե զուրկ՝ կենսատու սաղմերից, բայց որպես ժողովուրդ հոյակապ է. հասարակական կեանքը կառուցարկելիս ունի նախագիծ, որն ընդհանուր է գրեթե բոլոր թուրքերի համար: Օջականը նշում է. «Թուրքերը, որոնց մասնագիտությունը եղաւ քաղաքակրթութիւնները թաղել, նոր է, որ իրենց ակտորժակները կը փարածեն նաեւ ողջ փարդէն դէպի անողջը: ...⁴Նստի, թէ անոնք մեր երկրին աւերակներն ալ ձեռնարկած են անյայտ ընելու, սկսելու համար նոր իրենց քաղաքակրթութիւնը, մաքուր թուրքի մը վրայէն⁵:»- ապա շարունակում.- *Իսայրաբղէր էր ասոնց փարազը, ամէն ասփճանէ, երանգով՝ ինչպէս որակով*¹⁶: Թուրքը եւթագիտակցօրէն ատում է հային եւ այդ ատելութիւնը միակ թուրքինը չէ, այլ՝ բոլորինը: Իր ազգը «վերանորոգելու», վեհացնելու եւ մաքրելու ծրագիրն ընդունում է իբրեւ զինուոր, ով պատրաստ է կատարել բոլոր հրահանգները: Այնինչ, հինգ հայից չորսն անպայմանօրէն պէտք է լինեն զօրավար՝ ունենալով զինուորի կարիք: Իսկ ահա պետութեան իտիալը ենթադրում է «.....ամբողջի եւ մասերի յարաբերութեան կայունութիւն, այն, թէ պետութիւնն ինչ կարող է ակնկալել [իր քաղաքացիներից] եւ որքանով են նրանք պատրաստ իրենք աջակցել պետութեանն իրենց սեփական մղումով եւ ներքին հակառակութեամբ»¹⁷: Հայը չի համախմբում մէկ գաղափարի շուրջ, չունի կեանքի նախագիծ, ի տարբերութիւն թուրքի, որը, որպէս ժողովուրդ, համախմբուած է եւ գերի է հասարակականին: Այստեղից էլ գլխատր յատկութիւնը՝ հայն ապահասարակական է եւ ներքին ջանքերն առանելապէս ուղղում է իր անձին: Թուրքն ապաանձնական է, անկախ համոզմունքներից՝ միաւորում է գաղափարի շուրջ: Թուրքի համոզմունքը հասարակութեան կայացումն է: Նա աշխարհին ներկայանում է ոչ թէ որպէս անհատ, այլ որպէս ազգ, ինչը հայի պարագայում նոյնը չէ: Հայը քաղաքացի չէ. «...անոնք հլու թուրքին, անհուն ընդվզում էին իրարու դէմ»¹⁸: Ուստի, հայը որպէս ցեղային յատկութիւններ կրող ազգ հոյակապ է, իսկ որպէս ժողովուրդ՝ անպիտան: Յայտնի է, որ ժողովուրդ լինելու գլխատր յատկութիւնը մէկ գաղափարի շուրջ համախմբուածութեամբ է արտայայտում, այլ խօսքով՝ մէկ յոյզը պէտք է դառնայ հազարատրներինը, ինչը, ըստ Օջականի, բացակայ է մեզանում եւ թուրք փաշայի միջոցով նշում է. «*Չէք խորհիր, որ հարիւր, հազար, փառք հազար հայ, նոյնիսկ խնճողքի համար, քով քովի չեն կրնար խմբուիլ, առանց իրար ուրելու: ...Ձեր ազգային վերելք, իրար կործանելու ձեր ձրի անըմբռնելի մոլուցքք*»¹⁹: Հայկական ինքնութեան տարօրինակութիւնն էլ հենց այն է, որ ծայրայեղ է՝ հերոսներ եւ դաւաճաններ, առանց որեւէ շեղման: Գուցէ ընդոծիւնների²⁰ մասին է գրում Օջականը, երբ գրում է հայերի մասին, ովքեր թուրքից էլ ջանասիրաբար վաճառում են իրենց հայրենիքը. վաճառականներ,

հոգեւորականներ, շարքային քաղաքացիներ: Նրանց դիմագիծն անորոշ է, ուստի դժուար է նրանց դասել հայ կամ թուրք ազգի շարքին:

Ինչպէս արեւելահայի եւ արեւմտահայի, այդպէս էլ հայի եւ թուրքի ինքնութեան տարբերութիւնն ակնյայտօրէն ներկայացնում է նաեւ թուրք փաշայի եւ Մաթիկ Մելիքխանեանցի²¹ զրոյցում: Ըստ էութեան այս զրոյցն ինքնութիւնների եռանկիւնի է: Մելիքխանեանցը *Մնացորդացի* գլխատըր հերոս Սողոմի հակապատկերն է, արեւելահայ ինքնութեան կրողը: Նա Մոսկուայի Համալսարանի Ատամնաբուժական Բաժանմունքի ուսանող է, եկել է Արեւմտեան Հայաստան իր հայրենիքը փրկելու գաղափարի վեհութեամբ, յեղափոխական է, ծինաբանօրէն եւ մտածողութեամբ՝ հայ: Նա համոզուած է, որ արեւմտահայը քաղաքական ազատութեան կարիք ունի, ուստի «մահ կամ ազատութիւն» նշանաբանի կենսագործումը կարող է լինել փրկութեան միակ ուղին: Մաթիկը կիրթ է, համարձակ, իտիպիստ... մահուան վախը չի կարող ստուերել գաղափարի նկատմամբ նրա հաւատը: Հակադիր կողմում թուրք փաշան է. Մաթիկից ոչ-պակաս տեղեկացուած է գրականութեան, արուեստի, երաժշտութեան մասին, բայց նրան կիրթ անուանել չենք կարող: Օշականը նրբօրէն շեշտում է կիրթ հայի եւ թուրքի տարբերութիւնը: Հայը գաղափարապաշտ է, թուրքը՝ օգտապաշտ: Եթէ Մելիքխանեանցի համար Դոստոեւսկին համամարդկային մտքի գագաթնակէտ է, ով վեր է հանում մարդկային հոգու գոյութեանապաշտ ճգնաժամը, ապա թուրք փաշայի համար Դոստոեւսկու գրուածքները միջոց են ռուսական ինքնութեան թերութիւնները կամ քաղաքական ծրագրերը վեր հանելու եւ ապագայում դրանք ռուսների հետ յարաբերութիւններում օգտագործելու համար... Ահա իրար են հանդիպում երկու ինքնութիւնների գագաթները՝ ամբողջացնելով իրենց ազգերի առասպելները, իտիպաները եւ արժէքները. թուրք փաշան եւ շրջայակապ արեւելահայ յեղափոխականը: Խօսակցութեան լեզուն ռուսերէն է: Յայտնի է, որ ԺԹ. դարում քիչ չէին ազգի ապագան Ռուսաց Կայսրութեանը վստահողները եւ, պատահական չէ նաեւ, որ Կովկասից եկած երիտասարդը իր հետ էր բերել ռուսական օգնութեան պատրանքը: Օշականը թուրք փաշայի միջոցով զգոնութեան կոչ է անում՝ շեշտելով, որ կը գայ ժամանակ, երբ ռուս թուրքից վատ կը վարուի հայի հետ, եւ հայը, ով անհասկանալի նրբութեամբ եւ պաշտամունքով է վերաբերում ռուսերէնին եւ ռուսական մշակոյթին, երանութեամբ կը նախընտրի կոչուել ռուս եւ ոչ՝ հայ: «Հարիւր փարի յետոյ ծեր այդ բարգաւաճ, շէն ժողովուրդէն դժուար թէ գտնուին քանի մը փասնեակ հազար նշոյլեր, այն ալ լեռներու խորը, ու ասիկա՝ առանց դանակի, ասիկա՝ ռուս աղջիկներով: Տոսթոեւսկիով,

Մոսկուայով, Պագունիմով,²² եւ ապա աւելացնում...- ռուսահայերը կէս դար յետոյ պիտի ամչնան հայ ըլլալուն, պարոն յեղափոխական»²³:

Հայ յեղափոխականի խփալն ազատագրուած հայրենիքն է, իսկ թուրք փաշայինը՝ իր պետութեան հզօրացումը: Թուրք փաշան հային տեսնում է որպէս ցեղային արժէքները գերազնահատող, մեծամիտ, անմիաբան ազգ, ով «քեռի ռուսին» է վստահել ապագայի պետութեան ստեղծումը կամ այլ կերպ՝ ազգային նախագծի իրականացումը. «Մէկ դարու մէջ դուք խաբուեցաք ձեր այդ ռուսէն նոյնքան հանդիսատոր կերպով ուրիշ անգամ ալ: Ու պիտի խաբուիք վաղն ալ, եթէ առիթ տրուի: Ու կը խաբուիք փակաւին այսօր, աւելի քիչ խոստումներով»²⁴: Սրան հակադրում է Մաթիկը, հակադրում ամբողջապէս հաւատալով իր գաղափարների, խփալների ճշմարտութեանը. «Հրեցիք գիտ աջ ու ծախ, ըստ ձեր աւանդական քաղաքականութեան, խեղդելու համար ազապրութեան մեր սրբազան, անտեղիքալի իրաւունքը օղային խորհրդածութեանց հեղեղի մը փակ»²⁵: Թուրք փաշայի երկարաշունչ հայի նկարագրի բնութագրումը ոչ միայն երկմտելու առիթ չտուեց Մաթիկին, այլեւ նա շարունակեց վստահօրէն պնդել, որ ազատութիւնը հայի իրաւունքն է: Յաւօք, թուրքերը, ի տարբերութիւն հայերի, դիւանագիտօրէն շատ աւելի հասուն են, եւ մինչ հայոց Յեղասպանութիւնը, շատ լաւ էին ռուսմասիրել հայի հոգեկերտածքը, թերութիւններն ու առաւելութիւնները, պատմութիւնը, կրօնն ու մշակոյթը: Այս է հաստատում թուրք փաշայի եւ Մաթիկի երկխօսութեան ժամանակ թուրք փաշայի հետեւեալ դիտարկումը. «Մենք յաղթեր ենք ու դուք ծառայեր: Հինգ հարիւր փարիս ծրի չ'անցնիր ժողովուրդներու զլխէն: Այնպէս որ, առանց ձեր լեզուն գիտնալու, կը յաւակնիմ ձեզ ճանցած ըլլալ շատ աւելի, որքան դուք չէք ճանչնար մեզ»²⁶: Ի տարբերութիւն թուրքի, Արեւմտեան Հայաստանում ապրող հայը գրեթէ ոչինչ չգիտէր նրա մասին: Նոյնիսկ ծայրայեղ իրավիճակում արեւմտահայերն առաջնորդում էին այն կանխադրոյթով, թէ թուրքերն իրենց բարեկամներն են, չեն կարող վնասել, որովհետեւ դրա համար պատճառներ չկան: Հայկական դիւանագիտութիւնն անվերջ փաստում է դրա բացակայութեան մասին: Հայի ոգին բոցավառում է կայծակնային արագութեամբ եւ նոյն արագութեամբ էլ հանգչում է: Թուրքը կարող է սպասել դարեր, ուսումնասիրել, հետազօտել եւ ոչնչացնել: Թուրքական դիւանագիտութիւնը քաղցրաբլիթի եւ մտրակի քաղաքականութիւն է: Այն դիպուկ է ներկայացնում Օշականը. սպառնալ, ծեծել, եթէ անօգուտ է՝ խնդրել, արտասուել, սիրաշահել, եթէ այդ էլ անօգուտ է՝ քառատել եւ հրճուել սեփական անզօրութիւնից²⁷: Այսպիսի ճակատագիր ունեցաւ նաեւ Մաթիկը, հայի այն ոգին, որն անհնար է կոտորել:

Օշականն առաջադրում է Յեղասպանության պատճառներից միայն. թուրքը հինգ հարիւր տարի ուսումնասիրել է հայի պատմությունը, հոգեկերտումաձեռք, թերութիւններն ու առաւելութիւնները, մտերմացել է հայի հետ, դարձել նրա «քարեկամը», որպէսզի հասկանայ՝ ինչպէս պէտք է ոչնչացնել նրան: Իսկ հայն այդ հինգ հարիւր տարում միայն մէկ բան սովորեց *«Թուրքիայում աղանիներին չեն սպանում»* եւ յամառօրէն կառչած մնաց իր ինքնութեան այդ մնացորդին՝ միամտութեանը եւ պարզամիտ հաատին: Իսկ ինչպիսի՞ թուրքի պէտք է իրականում ճանաչի արեւմտահայը: Չէ՞ որ երեսոյթը սահմանելիս այն պէտք է դիտարկել *որոշակի* համակարգում եւ *որոշակի* փոխարաբերութեան մէջ: Ուրեմն, ինչպիսի՞ ինքնութիւն ունի թուրքը հայի հետ յարաբերուելիս: Օշականի *Մնացորդացը* թոյլ է տալիս այս հարցին միանշանակ պատասխանել՝ քինախնդրական²⁸ ինքնութիւն: Թուրքն այդ ինքնութեան կրողն է, ինչ-որ իմաստով ցեղային առումով նուաստ, թոյլ եւ խեղճ. սա է վկայում թուրք փաշայի կերպարը, ով ջանասիրաբար համոզում է, որ թուրքը ազնուացել է, բոլոր ժողովուրդներից ամենաբարին, ամենահամբերատարը եւ մեծամիտ հայի կողմից չգնահատուածը եւ չյարգուածը: Սա է վկայում թուրք մայրերի հրճուանքը, ովքեր *«...ալբեցին մեր կիները էգ ալբելութեամբ մը: Ածականը իմասպ ունի հոս: Ու կ'երգէին մեզերա այդ կիները այդ օրերու արիւնտդ երգը, գոր աշուղին մէկը, անշուշտ թաթխել է յետոյ իր սազը քրասնհինգամեայ տղու մը արիւնին մէջ, հաներ էր դէպի ցեղային զգայութիւն իր զգայութիւնը...»*²⁹: Իսկ թուրք փաշան՝ թուրք մտաւորականը, ատում է հային ցեղային ատելութեամբ. նա ինչ-որ իմաստով նուաստացած է գգում իրեն հայի առաջ: Սա է վկայում թուրք փաշայի այն միտքը, թէ հայ յեղափոխականը արդեօք զարմացած չէ՞ իր դիմաց տեսնելով կիրթ թուրքի, չէ՞ որ միայն հայի առաքելութիւնն է լինել կիրթ, զարգացած, հմուտ: Հայ յեղափոխականի ապագայի հայրենիքը քաղաքական ազատութիւնն ու որպէս հետեանք՝ պետութեան կառուցումն է: Թուրք փաշայի ապագայի հայրենիքը պանթուրքիզմն է՝ իր ցեղի նորոգումը, սրբագրումը եւ հզօրացումը:

Հայի եւ թուրքի ինքնութեան տարբերութիւններն ակնյայտ են ազգի, պետութեան գաղափարների շուրջ: Ի՞նչ էին այս երկու ազգերն ակնկալում ապագայից, ինչպիսի՞ յաակնութիւններ ունէին, ինչպիսի՞ պետութիւն էին ցանկանում ստեղծել, եւ որո՞նք էին նրանց գործողութիւններն այդ ուղղութեամբ: Հայի պարագայում հնարատր է բաւականին պերճախօս լինել անհատական առաքինութիւնները թուարկելիս: Աւելին, կարելի է գովերգել, հպարտանալ, բայց երբ պէտք է խօսել պետութեան խտիւղի եւ հայի «ձգտելիք աշխարհի» մասին, բառերն աղքատիկ են դառնում, իսկ բովանդակութիւնը զուսպ եւ

հակիրճ, ի տարբերություն թուրքի, որն այս ուղղությամբ բաականին պերճախօս է: Մինչև ժժ. դար օսմանցին եւ թուրքը չտարբերակուող հասկացություններ էին, անվին՝ թուրք լինելը պատուաբեր չէր եւ «նոյնիսկ պատմության մէջ չբացայայտուած անյայտ», բայց ահա՝ «Կարժ ժամանակ պահանջուեց, որպէսզի թուրք կոչուելը նախադիւք համարող գիւտորները բարձրաձայն գոչեն «Ես հպարտ եմ, որ թուրք եմ», սկիզբ դրուեց այնպիսի ազգայականութեան, որի հիմքն ազգային նիհիլիզմն է. ուրիշինը բռնի ժխտելու միջոցով սեփականի հաստատումը³⁰: Ժխտելու ճանապարհը սահուն էր, քանի որ թուրք լինել – իրաւացիօրէն շեշտում է Օշականը – նշանակում է ամէն գնով տիրապետել իրաւունքին: Իսկ «նոր թուրքը» մշակոյթը նորոգելուց առաջ, նորոգել էր իր գիտակցութիւնը, Օշականի բառերով՝ ուղեղը:

Ամփոփելով վերը շարադրուածը, պէտք է նշել, որ Օշականի *Մնացորդացը* հայի թերութիւններն ու առաւելութիւնները, անցեալն ու ապագան ամբողջացնող պատկեր է, մի ինչ-որ իմաստով մեզ փոխանցող ազգային «տարագի» ժառանգութիւն, որտեղ թուրքը միջանկեալ, թերեալի նշմարուող մի հիւլ է, հայի ինքնութիւնն անդրադարձնող հայելի: Այո՛, երբեմն պէտք է հարցնել «Իսկ գիտէ՞ք, թէ ինչ է հայ ժողովուրդը. այդ այն ժողովուրդն է, որը ամբողջ մարդկութեան մէջ ամենախորհրդաւոր պատմութիւնն ունի...»³¹: Երբեմն պէտք է կանգ առնել այնտեղ, որտեղ աւարտում է ինքնաձաղկումը եւ ազգային գիտակցութիւնը տեսողութիւն է ձեռք բերում՝ մեղաւորութիւնից, խեղճութիւնից եւ յուսահատութիւնից անկախ: Օշականի *Մնացորդացը* փաստում է. հայի ցեղային մաշուածութիւնը գերակայ է թուրքի կարկատած ինքնութեան նկատմամբ: «...Թուրքը Արեւելքին աղտն է, կեղը, թարախը: Անոր հոգին դեռ աւազներուն չոր արմաքներն իսկ անաղակ է կենսատրելու: Անցէք Պոլիսէն մինչեւ Հինգիզուշ, ու՛ր որ կանանչ կայ, ու՛ր որ երկու ծաղիկ աճեր կամ ութ-փասը քար կամարի մօրեր, գիտցէք թէ մեր շունչն է կատարողը այդ հրաշքին: Ու մեր շարականները կը պատմեն մեր չմեռնող կենդանութիւնը»³²: Օշականը փորձում է տալ ոչ-այնքան երետոյթի հայելային անդրադարձը, որքան երետոյթն իր մասնիկայնութեան մէջ, այսինքն՝ երետոյթն իր տարրերի կառուցուածքով եւ յարաբերութեամբ:

Ընդհանուրից գալով մասնաւորին պէտք է նշել մեր բուն ինքնութեանը բնորոշ յատկութիւնները, որոնք նկատել է Օշականը. աշխարհի ճանաչողութեան իտիալիստական մօտեցումը՝ երաժշտութիւն, բանաստեղծութիւն, ինչին հակադրում է թուրքի՝ աշխարհը ճանաչելու եւ դրան յարմարուելու նիւթապաշտական մօտեցումը: Աշխարհաճանաչման այս մօտեցումներին էլ համապատասխանում են երկու ազգերի իտիալները՝ պետութեան, ազգի, հայրենիքի նկատմամբ.

հայր քաղաքական ազգ չէ, ինչն իրենից ենթադրում է պետական մտածողություն (հասարակական շահի գերակայություն), դիանազգիտության առկայություն, քաղաքական փորձառություն, ի տարբերություն թուրքի, որը հմուտ է այդ գործում: Թէեւ հայը քաղաքական առումով զիջում է թուրքին, բայց ակնյայտ առաւելութիւն ունի մտաւոր, բարոյական եւ արժէքային մօտեցումներում՝ մշակոյթ, լեզու, կրօն:

ԾԱՆՕԹԱԳՐՈՒԹԻՒՆՆԵՐ

¹ Յակոբ Օշական (Յակոբ Քիֆեճեան, Բուրսա 1883-Հալէպ 1948) իր ժամանակի հանրագիտակ մտածողներից է: Նրա գրչին են պատկանում *Համապատկեր Արեւմտահայ Գրականութեան* բազմահատորեակը (գրականագիտական-վերլուծական հարուստ նիւթ պարունակող մի բացառիկ աշխատություն), գրականագիտական, գրաքննդատական, գրական-վերլուծական խորունկ ուսումնասիրություններ, նաեւ՝ բաղդատական ուսումնասիրություններ (*Չուզակչիո Արեւելահայ եւ Արեւմտահայ Գրականութեանց*, խմբ.՝ Պ. Սնապեան, 50ամեակի Հրատ. Թիւ 4, Պէրուք, Տպ. Համազգայինի Վահէ Սէթեան, 1999) նաեւ թատրերգություններ, գրաքննադատական գործեր, վէպեր, վիպակներ ու պատմուածքներ, որոնք ի մասնատրի նիւթ ունեն հայ-թուրք յարաբերությունների այլեայլ երեսակները: Օշականը եղել է *Մեհեան* եւ *Բարձրավանք* հանդէսների խմբագիրը: Ձեռնասպանութեան տարիներին թուրքական կառավարութեան կողմից ձերբակալուել է, սակայն կարողացել է փախչել, ինչը նա համարում է ճակատագրի պարգեւ: Օշականին են նուիրում հետեւեալ գործերը. Նշան Պէշկեթաշեան, *Յակոբ Օշական: Կեանքը եւ Գործը Իրաւ Երգիծաբանութիւնով*, Փարիզ, Տպ. Յ. Ֆ. Ճարեան, 1947. նաեւ՝ Գրիգոր Ղլըտեան, *Մարտ*, Անթիլիաս, Տպ. Կաթողիկոսութեան Հայոց Մեծի Տանն Կիլիկիոյ, 1997. նաեւ՝ Կիմ Աղաբէկեան, *Յակոբ Օշական. Արեղծագործական Աշխարհի Արահներներում*, Երեւան, Զանգակ-97, 2010. նաեւ՝ Ալբերտ Կոստանեան, *Բացարձակի Որոնում*, Երեւան, Սարգիս Խաչենց, 2004 են.:

² Օշականի *Մնացորդաց* վէպը գրուել է 1932-1934ին: Այն բաղկացած է երեք հատորից: Առաջին հատորը վերնագրուած է «Արգանդի Ճամբով», երկրորդ հատորը՝ «Արեան Ճամբով» իսկ երրորդ հատորը՝ «Դժոխք»: Այն, ինչպէս նշում է հեղինակը, նպատակ ունի ցոյց տալ բռնապետութեան մէջ արտայայտուող հայկական հոգեբանութիւնը, հայկական մնացորդները փրկելու ձգտումը ինչպէս նաեւ երկու ժողովուրդների ինքնութիւնների բախումը: *Մնացորդացի* առանձին հատումներ նախ հրատարակուել են Գահիրէի *Յուսաբերում*, ապա լոյս տեսել ամբողջութեամբ, առանձին գրքով:

³ Յակոբ Օշական, *Մնացորդաց*, Գ Հատոր, Անթիլիաս, Տպ. Կաթողիկոսութեան Հայոց Մեծի Տանն Կիլիկիոյ, 1988, էջ 87:

⁴ Օշական, *Մնացորդաց*, Գ. Հտոր., էջ 84

- ⁵ Friderich Nietzsche, *Antikhrisť, Rojdenie Tragedii ili Ellennstvo i Pessimizm*, (Հակաքրիստոս, ողբերգության ծնունդը կամ հելլենականությունը և յոռետեսությունը), Մոսկուա, Աստրել Հրատ., 2011, էջ 195-198:
- ⁶ Օշական, *Մնացորդաց*, Գ. Հրր., էջ 234:
- ⁷ Նոյն, էջ 235:
- ⁸ David Lang, *Armyane Narod-Sozidatel* (Հայերը. արարող ժողովուրդ), Մոսկուա, Ֆենտարոլիգրաֆ, 2004, էջ 32:
- ⁹ Միքայել Նալբանդյան, *Հրապարակախոսական Հայրենասիր*, Երևան, Հայաստան, 1979, էջ 32:
- ¹⁰ Դաֆֆի, *Երկեր*, Հրր. 10, Երևան, Հայաստհրատ, 1963, էջ 501:
- ¹¹ Իսանը ռուս գրող Ֆեոդոր Դոստոևսկու *Կարամազով եղբայրներ* վեպի հերոսներից մեկն է: Վեպը գրուել է 1879-80ին: Դոստոևսկին նպատակադրուել է այս վեպը որպէս «Անժ Մեղատրի Պատմութիւնը» վիպաշարի առաջին մաս ներկայացնել, սակայն մահուան պատճառով այդ մտայղացումը ցի իրագործուել: Վեպում հեղինակն արժարծում է փիլիսոփայական հարցեր Աստծոյ, ազատութեան և քարոյականութեան մասին: Դոստոևսկիվ Դոստոևսկու *Ոճիր և Պարիթ* (իրապարակուել է 1866ին) վեպի հերոսն է: Վեպում ներկայացում են տուեալ ժամանակի հասարակութեան գոյութենական ճգնաժամը, օտարութեան հիմնահարցը և դրա ընկալումն ու արձագանգը ստեղծագործ անհատի կողմից:
- ¹² Լինելու և ունենալու հիմնահարցին անդրադարձել է Էրիկ Ֆրոմմը՝ բովանդակային առումով դիտելով այս երկուսը որպէս հակադիր հասկացութիւններ (E. Fromm, *Imet Ili Bit?* (Ունենա՛լ, թե՛ լինել), Մոսկուա, Պրոգրէս Հրատ., 1990):
- ¹³ Հրանտ Դիւք, *Երկու Մօր ժողովուրդ, երկու Հեռու Հարեան*, Երևան, «Գրափունջ» ՍՊԸ, 2009, էջ 21:
- ¹⁴ Կոստան Զարեան, *Անցորդը և Իր Ճամբան*, Երևան, Արագիս Խաչենց, Փրինթինֆօ, 2010, էջ 53:
- ¹⁵ Օշական, *Մնացորդաց*, Գ. Հրր., էջ 11:
- ¹⁶ Նոյն, էջ 21:
- ¹⁷ Hegel, *Politicheskie Proizvedeniya* (Քաղաքագիտական աշխատութիւններ), Մոսկուա, Նաուկա Հրատ., 1978, էջ 65-66:
- ¹⁸ Յակոբ Օշական, *Մնացորդաց*, Ա. Հրր., Անթիլաս, Տպարան Կաթողիկոսութեան Հայոց Մեծի Տանն Կիլիկիոյ, 1988, էջ 451:
- ¹⁹ Օշական, *Մնացորդաց*, Գ. Հրր., էջ 245:
- ²⁰ Հին նահապետական տունը, որպիսին եղել է Հայկինը՝ բաղկանում էր հարիւրատր մարդկանցից: Սրանց մի մասը բուն Նահապետի արինակից էին, նրա մերձատր կամ հեռատր սերունդները, սրանք են իսկապէս «ազգային օճախ» կազմողները: Սրանց հետ նոյն տանը ապրում էին, իրրել մշտական անդամներ՝ օտար արինից մարդիկ, որոնք եա ունէին իրենց սերունդները, բայց տան բուն անդամների իրատունքը չունէին, ինչպիսիք էին

մշակները, սպասատրները են.: Սրանք են, որ կոչում են ընդոծին (Մովսես Խորենացի, *Հայոց Պատմություն*, Երեւան, Հայպետհրատ, 1961, էջ 367):

²¹ Մաթիկ Մելիքյանեանցն իրական կերպար է, ով եկել էր Արմատեան Հայաստան, ազատագրական գաղափարներով: Այն, ինչ նկարագրել է Օշականն իրական հիմք ունի, ընդ որում՝ Մաթիկի եղբրական մահը: Օշականն այնքան է տպավորել այս կերպարով, որ 1930ականների առաջին կեսերին առանձին վեպ է գրել *Մաթիկ Մելիքյանեանց* վերնագրով (առանձին գիրքով հրատարակուած Պէրոյֆ, 2010):

²² Օշական, *Մնացորդաց, Գ. Հոր.*, էջ 227

²³ Նոյն, էջ 233:

²⁴ Նոյն, էջ 238:

²⁵ Նոյն, էջ 282:

²⁶ Նոյն, էջ 229:

²⁷ Օշականն անմիջականօրէն, որեւէ ձեակերպմամբ չի մատնանշում վերոնշեալ դրոյթը, թէեւ թուրք փաշայի եւ Մաթիկի միջեւ ծաւալուած երկխօսութեան բովանդակութիւնը թոյլ է տալիս ամփոփել եւ կատարել նման եզրակացութիւն (Օշական, *Մնացորդաց, Գ. Հոր.*, էջ 221-294):

²⁸ Բինախնդրականը (resentmental) հոգեւոր եւ ընկերաքանական առումով ստորին աստիճանում գտնուող մարդու կամ ազգի յատկութիւնն է, որը վրիժառութեամբ, թոյնով է լցուած իրենից բարձր գտնուող մարդու կամ ազգի նկատմամբ:

²⁹ Յակոբ Օշական, *Մնացորդաց, Բ. Հոր.*, Անթիլիաս, Տպ. Կիլիկիոյ Կաթողիկոսութեան, 1988. էջ 331:

³⁰ Այլէ Հիւր, «Բարբարոս Թուրքից» «Մուսուլման Թուրքը» <http://repairfuture.net/index.php/hy/identity-standpoint-of-turkey-ar/from-barbarian-turk-to-muslim-turk-armenian> :

³¹ Զարեան, *Անցորդը*, էջ 119

³² Օշական, *Մնացորդաց, Բ. Հոր.*, էջ 141-142:

OBSERVATIONS ON ARMENIAN IDENTITY:
HAKOB OSHAKAN'S *MNATSORTATS* (REMNANTS) NOVEL
(SUMMARY)

MOVSISYAN NANE
monane@yandex.ru

Through insights from Hakob Oshakan's novel, *Mnatsortats* (Remnants) the article sheds light on certain peculiarities of Armenian identity, commonalities with and differences from Turkish identity.

The article compares and contrasts the diverse mindsets and, accordingly, approaches of the Armenian and the Turk regarding homeland and statehood. The author argues that Armenian identity is driven by an idealistic model based on vision and perception, music and poetry, while, on the contrary, a Turk's model of world recognition and adaptation is materialistic.